



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Opera Mystica V. Ac Mystici Doctoris F. Ioannis A Cruce  
Primi Religiosi Discalceati Ordinis B. V. M. De Monte  
Carmelo Et Seraphicæ Virginis Theresiæ fidelissimi  
coadiutoris**

**Juan <de la Cruz>**

**Coloniæ Agrippinæ, 1639**

Epistola III. Ad Matrem Mariam à Iesu Fundatricem & Priorissam,  
cæterasq[ue] Religiosas Conuentus Carmelitarum Discalceatarum  
Caodubæ. Agit de bono Exemplo ac spiritu, quo procedendum est in ...

**urn:nbn:de:hbz:466:1-37873**

B.  
Joann  
à Crua

Opera  
mystic  
NIV  
122

virtutibus longe alienos esse; nouissime-  
que comparebimus gestantes opera no-  
stra facta in uerso modo; & rati lampe-  
dem nos accensam gerere, apparebit ex-  
tineta, flatus enim, quibus eam accen-  
dere putabamus, forsitan aptiores erant  
ad eam extinguendam. Ne igitur no-  
bis hoc accidat, & ut dixi, ad hoc ut spi-  
ritum custodiamus, dico nullum medium  
aptius superesse, quam *Pati, facere, & Ta-  
cere*, sensusque ocludere cum exercitio  
& propensione ad solitudinem, & obli-  
uionem rerum omnium atque euen-  
tuum, licet pereat totus mundus: nec  
vnquam siue bonus, siue malus euentus  
sit, cordis tranquillitas ex amoris visce-  
ribus profecta negligenda est, utpote dis-  
positio ad patiendum in omnibus rebus  
occurrentibus. Tanti quippe momenti  
res est perfectio, & spiritus delectatio  
tam est pretiosa & opulenta, ut ad illam  
assequendam faxit Deus ista sufficiant:  
Impossibile est enim, ut quis gradatim  
proficiat, nisi *Faciat*, & simul *Patiatur* cum  
virtute, inuoluendo omnia in silentio.  
Hoc filie Domino volente intellexi, nem-  
pe quod anima, quæ cito ad loquendum,  
& conuersandum attendit, valde modi-  
cam attentionem habet ad Deum: dum  
enim illam habet, confestim ab intus tra-  
hitur ad tacendum, & omnemque conuer-  
sationem fugiendam, acceptabilius en-  
nim est Deo, si anima sese in ipso oble-  
ctet, quam si in alia re creata, quantum-  
uis excellentissima, eique vtilissima sit.  
Commendo me precibus CC. VV. vo-  
bisque pro certo persuadeatis, opto,  
quod licet charitas mea exigua valde sit,  
ita nihilominus erga vos collecta est, ut  
nullo pacto obliuiscat vestri, quibus  
non mediocriter in Domino deuinctus  
sum. ipse sit semper nobiscum, amen.

Granata vigesima secunda Nouembrii  
1587.

Fr. Ioannes à Crua

Præcipua nostra necessitas est, tace-  
re coram hoc magno Deo, tam appetitum  
quàm linguam, cuius loquela, quamquam  
ipse libenter audit, est silens loquela a-  
moris.

EPISTOLA III.

Ad Matrem Mariam à Iesu Fundatricem et  
Priorissam, ceterasq; Religiosas Conuentus  
Carmelitarum Discalceatarum  
Cordubæ.

Agit de bono Exemplo ac spiritu, quo proceden-  
dum est in fundatione monasteriorum.

IESVS sit in animabus vestris. Obligatio  
vobis incumbit correspondendi Do-  
mino, iuxta acclamationem & appelas-  
sum, quo inibi receptæ estis. Reuera enim  
ex relatione consolatus sum, nec in eo  
quod ædes adeo inopes, vigentibus  
caloribus ingressæ sitis, singulari Dei pro-  
uidencia id factum est, ut populum luce-  
dificetis, & suadeatis, quod profitemini  
videlicet Christum nudum, ut quæ deinceps  
ad ingressum religionis à Domino  
moueantur, quo spiritu eas venire oporteat,  
intelligant. Mitto R. V. omnes sic-  
cultates, & licentias requisitas. Videant,  
videant, ut spiritum paupertatis, & re-  
rum omnium contemptus conseruare  
contendant. Sin minus, scitote in mille  
vos necessitates, tum spirituales, tum et-  
iam temporales deuenturas, si Dei lo-  
lius possessione nolueritis esse contentæ.  
Scire etiam vos volo, quod non habebitis,



tis, nec experiemini plures necessitates quam illas, quibus corda vestra sponte subijcere volueritis: siquidem pauper spiritus in rerum defectu laetior est, magisque contentus: eò quod suum Totum in Nihilò reposerit. & sic ubique affluentiam & cordis amplitudinem reperit. Felix Nihil! felixque cordis latibulum! quod tantæ virtutis est, vt omnia subijciat, cum nihil sibi subijcere velit, curasque omnes deponat, vt amplius amore inardescat. Omnibus sororibus in Domino salutem dico. R. V. eis dicat ex parte mea, quod à Domino assumptæ sint, tanquam primarij istius Foundationis lapides: & vt cogitent quales eas esse oporteat, quæ tanquam fortiores debent esse fundamentum cæterarum. proficiant ex primitijs huius spiritus, quem Deus initio conferre suevit, vt denuo perfectionis iter, in omni humilitate & abstractione intus & foris, arripiant: non puerili animo, sed virili voluntate mortificationem & pœnitentiam sequantur, cupientes vt hic noster Christus aliquo vobis constet. dissimiles ijs qui propriam commoditatem & consolationem siue in Deo, siue extra ipsum quærunt, sed potius illis similes, qui in silentio & spe, cum amore, siue in Deo, siue extra ipsum, patiquærunt. Deus det vobis gratiam suam. Amen. Segobrida. 28. Julij 1.89.

Frater Ioannes à Cruce.

## EPISTOLA IV.

Ad eandem Matrem Priorissam Conuentus Cordubensis. Instruit eam quæ ratione prouidere debeat rebus temporalibus, & spiritualibus suis Conuentus.

Es vs sit in animata, filia in Christo Charissima. Causa cur toto isto tempore à te relato nõ scripserim, potius adscribendum est loci distantia (cum agam Segobridæ) quam voluntatis defectui: hæc enim semper eadem in me est, & in Domino semper futuram spero. Infirmatibus tuis condoleo; quoad temporalia istius monasterij, nollem te adeò esse sollicitam, sic enim fiet vt Deus illius obliuiscatur, magnamque penuriam spiritualiter ac temporaliter incurretis; sollicitudo quippe nostra ipsa nos depauperat. *Lactis ò filia, in Domino totum cogitatum tuum, & ipse te enutriet.* Is enim qui, quod amplius est donat, & donare vult, non potest quod minus est non largiri. Ne desit tibi desiderium carentiæ, & paupertatis; eadem quippe horâ deficiet tibi spiritus, & in virtutibus eris remissior. Quod si pridem pauper esse optabas, nunc quando Prælate munere fungeris, id multo magis optare, & amare teneris; domum etenim virtutibus magis & desiderijs cælestibus regere, eique prouidere debes, quam sollicitudinibus, & inuentionibus circa res temporales, & terrenas: dicente nobis Domino, vt neque de cibo, neque de vestitu, neque etiam de die crastina cogitemus, nec recordemur. Hoc vnum R. V. facere incumbit, nempe, vt animam suam, & suarum monialium cum omni perfectione ac religione Deo vnitas esse curet, & oblitus omnis creaturæ, & respectus ad ipsam, vt sic omnes in Deo vnum sitis, & in illo dumtaxat hilares; nam quod attinet ad reliqua, ego fideiubeo. Sororibus salutem plurimam in summo bono nostro dico, qui numquam deserat spiritum tuum, mea filia, amen. Matrini 20. Iunij. 1590.

Fr. Ioannes à Cruce.

M m 2

EPI-